

Publicaziuns ufficialas dils 24 da november 2023

Vischnaunca Trun

Elecziuns communalas dils 26-11-2023

L'urna en canzlia communalia ei aviarta sco suonda:

Gievgia,	ils 23-11-2023,	09.30-11.30,	15.30-17.30
Venderdis,	ils 24-11-2023,	09.30-11.30,	15.30-17.00
Dumengia,	ils 26-11-2023,	09.00-10.30	

La documentaziun da votar duess mintga votant/a haver obtenui. Cass cuntrari san ins s'annunziar immediatamein, denton il pli tard entochen venderdis, ils 24 da november 2023 allas 17.00 tier l'administraziun communalia (tel. 081 920 20 40).

Levgiament da votar

Mintga votant/a ha la pusseivladad da dar giu sia vusch a scret. En gliez mument sto el/la observer il suandont:

1. Emplenir ora ils cedels da votar a maun e metter quels en la cuviarta da votar grischa e serrar giu ella.
2. Metter la cuviarta da votar grischa ensemen cun il certificat dil dretg da votar suttascret en la cuviarta alva, cun la quala Vus haveis obtenui la documentaziun da votaziun.
3. La cuviarta ch'ei adressada all'administraziun communalia saveis Vus tarmetter cun posta (niev gratuitamein) ni directamein fierer en la scaffa da brevs dalla canzlia communalia.

Ils cedels da votar ston esser il pli tard la dumengia, ils 26-11-2023 allas 10.30 tier l'administraziun communalia. Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Suprastanza communalia

Damonda da baghegiar

Datum da publicaziun: 24-11-2023

Petenta: Hanna Müller, Via Sutvitg 22, 7172 Rabius
Representanza: huonder bisquolm architects sa, Via da scola 18, 7180 Disentis/Mustér
Object: Construcziun d'ina casa d'ina famiglia e d'ina suosta per autos sin parcella
3031 a Zinzera
Zona: Zona da habitar (H2)

Protestas:

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en secret enteifer 20 dis dapi la publicaziun alla suprastonza communal Trun.

Administraziun communal

Elecziuns communalas dils 26 da november 2023

Giesta da candidats pil cussegli da vischnaunca

Bundi Flurina,	en uffeci
Bundi Clemens,	en uffeci
Decurtins Wendelin,	en uffeci
Demont-Albin Caroline,	niev
Flepp Marcel,	en uffeci
Lechmann Mario,	en uffeci
Maissen Remigi,	niev
Moser Andrea,	niev
Pfister Bruno,	en uffeci
Scolieri Claudio,	en uffeci
Tambornino Eligius,	niev
Thalmann Claudio,	en uffeci
Tomaschett Baseli,	en uffeci
Tuor Flavio,	en uffeci
Wolf Riccardo,	niev

Giesta da candidats per la cumissiun da gestiun

Decurtins Alexa,	en uffeci
Guldinmann Carla,	niev
Jundt Sven,	niev
Suppleanta	
Maissen Silvia,	niev

Administraziun communal Trun

Cumissiuns communalas

Preziadas commembras

Prezaii commembres

Cun la fin digl onn 2023 scada il temps d'uffeci dallas commembras e dils commembres da diversas cumissiuns communalas.

Persunas che vulan seretrer ein supplicadas da communicar quei a scret entochen ils 30 da november 2023 alla suprastanza communalala.

Suprastanza communalala Trun

Serrada dalla deponia da cumpostar Ogna

Preziadas convischinas

Prezaii convischins

La deponia da cumpostar Ogna vegn prevedentamein serrada naven da sonda, ils 2 da december 2023 allas 16.00. La deponia resta serrada duront il temps d'unviern.

Suprastanza communalala Trun

Radunanza da vischnaunca

Gliendisdis, ils 4-12-2023 allas 19.30 ell'aula dalla casa da scola.

Tractandas:

1. Avertura ed elecziun da 2 dumbravuschs
2. Protocol dalla radunanza communalala dils 5-12-2022
3. Decisiun da sligar si la Corporaziun schigentera solara da gliet Cadi
4. Preventiv per igl onn 2024
5. Fixaziun dil pei da taglia pigl onn 2024
6. Varia

Dils divers acts e dil protocol sa vegnir priu investa tier l'administraziun communalala. Dil preventiv sa ulteriuramein vegnir priu investa sin nossa pagina d'internet www.trun.ch

Suprastanza communalala Trun

Iniziativa per in plaz da pausa adattau als basegns dils affons da scola

Preziadas convischinas e prezai convischins

Il davos da mars 2023 ha la suprastanza communala retschiert ina iniziativa dil pievel per in plaz da pausa adattau als basegns dils affons da scola. Suandontamein il text dall'iniziativa (citat): «Moviment promova en general la habilitad da tschaffar si ed emprender. Nies plaz da scola ed ils urdeins disponibels ni intimeschan ni promovan talas activitads tier e denter ils affons. Perquei pretendan ils sutsignai iniziants ch'ils gremis communals responsabels elaboreschien entochen ils 30 da settember 2023 in project per midar il «plaz da parcar» existent en in spazi che porscha als affons duront pausa, sco era avon e suenter l'instrucziun adattadas pusseivladads da semover e termagliar. Ils differents urdeins ed il material disponipel dueien risguardar las differentas vegliadetgnas ed ils differents basegns dils affons. Il project ei da vegnir realisaus entochen l'entschatta digl onn da scola 2024/2025. Entras possibilitar il giugar e termagliar ensemen, sco era il saver rimnar ensemen novas experientschas, duei il spazi disponibel perquei principalmein puspei survir ad ils affons sco «plaz scola» resp. «plaz da pausa» enstagl da plaz da parcar.»

102 persunas cun dretg da votar en nossa vischunaunca han susteniu l'iniziativa cun sia suttascripzion. L'iniziativa ei valeivla. En ina emprema sesida il matg 2023 han il president communal ed il gerau responsabel ensemen cun las tschun empremas iniziantas priu investa digl areal da scola che cumpeglia il plaz catramau ed il plaz da sulada gest avon la scola, il plaz verd sura e da maun ost dalla scola e la plazza da sport sur il center communal. Igl ei vegniu fixau che las iniziantas inoltreschien propostas concretas per mesiras sil plaz da scola. El decuors dil november ha giu liug ina ulteriura sesida. Sin giavisch dallas empremas tschun iniziantas ha la suprastanza communala decidiu d'elaborar in project ensemen cul post specialisau per la promozion da sanedad dil cantun Grischun. Aschiprest ch'il project ei avon maun vegn quel publicaus.

Suprastanza communalala Trun